

# DEO OPTIMO MAX.

## UNI ET TRINO,

### VIRGINI DEI-PARÆ, ET S. LUCÆ,

#### Orthodoxorum Medicorum Patrono

BIU Santé  
Médecine  
Paris

## QUÆSTIO MEDICA,

### QUOD LIBETARIIS DISPUTATIONIBUS

*manè discutienda, in Scholis Medicorum, die Jovis nonâ  
mensis Januarii, anno Domini M. DCC. LXXXIII.*

M<sup>o</sup>. NICOLAO-FRANCISCO LAVERNE, Doctore Medico,  
Præfide.

*An producendæ ossificationi periosteum impar.*

II

**I**TA conflatur corporis humani non satis miranda compages, ut una quæque pars propriis usibus, structuræque gaudeat peculiari. Sic pulmo rarâ texturâ & fistulâ aëreâ donatus, follis instar & instrumenti pneumatici more, aërem alternatim admittit & emittit, respirationis causâ; sic cor musculosum valide contractum, & emboli vices gerens sanguinem acceptum premit & pellit quâ data porta. Sic membranæ quæ partes sunt similes, albicantes, flexiles, fibris diversimodè intertextis, reticuli instar, conflatae cæteras corporis partes investiant & alias aliis connectunt. Membranæ tum propter situm, tum propter varios usus, variè nuncupantur; ut verbi gratiâ, vaginæ musculares, tunicæ, capsulæ, ligamenta, periosteum &c. Licet harumce membranarum ultima iisdem ac aliæ multæ usibus inservire, eademque structurâ gaudere videatur; attamen à plurimis habita fuit perinde ac si peculiaris foret naturæ quæ in osseam substantiam posset converti, ita ut, juxta eos, intimæ periostei lamellæ, (1) eæ scilicet quæ ossium immediatè contingunt superficiem, fiant per se & vicissim crustæ seu lamellæ osseæ quæ ossa in omnibus eorum dimensionibus adaugent & protendunt. Hæcce opinio sententiæ prorsus adversatur plurimorum scriptorum quibus assentimus; iisdem etenim ossium explanationem & evolutionem à causâ generali ex quâ cæteræ animantis partes eruantur & informantur, natales ducere contendimus, quod quidem nobis probandum incumbit.

(1) Malpighi  
Anat. Plant.  
id. p. 4.

Duhamel,  
Act. Reg. Sc.  
Ac. an. 1743-  
1744.

I I.

**O**SSIS rudimentum corpus est quasi lanuginosum, vasculosum & gelatinosum. Pellucida & tenuissima sunt illius vasa, sensim crescit illud corpus, album, gelatinosum & flexibile aliquandiu remanet, deinde firmum, elasti-

A



enim & in quibudam suæ substantiæ punctis opacum evadit; partes opacæ factæ; 1°. fibrosæ & exalbidæ apparent, dein flavæ & majori consistentiâ præditæ & tandem osseæ. Pars ossei rudimenti, in quâ fiunt mutationes illæ primariæ, centrum obtinet compactam ossis substantiam mox subeunda; at verò cum accretionis & evolutionis longgè latèrquequendam attigit gradum hæc substantia, tunc ad spongiosam ossis substantiam efformandam prudens allaborat natura; si os longum moliat, suum in reticulari substantiâ perficit opus; per hæc mutationes gradatim subactas à statu vasculari & gelatinoso ad cartilaginofum & à cartilaginoso ad osseum tendit, ità ut constans directio ac parallela dispositio ossearum fibrarum juxtà ossis longitudinem animadverti queat & observari. Si intereà, dùm illæ peraguntur mutationes, attentè causas expendimus quibus ii procreantur effectus, tunc facillè perspicui potest, dùm se se ossea explicat natura, an arteriis debeatur illa maximi momenti mutatio quâ cartilagine in ossa convertuntur, an verò eorum incrementum à singulâ lamellarum periostei interiorum metamorphosi pendeat, quæ lamellæ ubi per aliquod temporis spatium membranaceæ fuerunt, osseam successivè adipiscuntur naturam.

## I I I.

**P**ERIOSTEUM audit membrana vasculosa, firma, elastica, cellularis, suprâ totam ossium superficiem extensa, & ab eorum textu omninò diversa, hæc membrana ossibus partes vicinas annectit; illa juxtà totam extensionem exceptis eminentiis & articularibus acetabulis obvestit; ossis corpori ingenti vasorum numero non secùs ac ejus extremitatibus firmiter adhæret. Pellucida, tenuissimaque sunt illius vasa, donec ossis rudimenta firmiora evaserint ac duriora; eâ enim ossis induratione seu ossificatione inchoatâ, vasa, quæ hætenus pellucidum duntaxat fluidum admittebant, tunc sanguinem recipiunt & magis ac magis adhærere videtur periosteum. Attamen illæ adhærentiæ difficilius in ossis extremitatibus quàm in corpore delentur, propter majorem vasorum numerum quæ permeant periosteum os subeundi causâ, & propter eminentiarum quæ in iis observantur, maximam quantitatem. Si, incipiente ossificatione, quod in periosteio peragitur attentè perpendamus, illud per omnia vitæ tempora immutatum nequaquàm videtur: eadem ferè semper ipsius densitas, ejus fibræ mutuo sese intersecant, nullamque constantem servant directionem, dùm è contrâ osseas videmus fibras in quâcunque naturali ossificatione parallelo ossis longitudini modo disponi & concinnari. Quo quidem periostei statu edocemur, illud ossium efformationi & incremento minùs par esse ac idoneum: hinc nihil magis quam arteriæ huic muneri obeundo accommodatum est & appositum.

## I V.

**O**SSIFICATIONIS progressus pedetentim sequendo, semper majus periostei lamellas inter & ossium fibras reperitur discrimen, ut ipsi adscribatur & assignetur facultas adaugendæ ossium crassitudinis, ope superadditionis & ossificationis lamellarum ex quibus conflatur. Hunc effectum exerere valent arteriæ tantùm. Hæ solæ in ossis parenchyma deferunt materiem salinam, substantiam scilicet juxtà Gahn & Scheel, ex terrâ calcari & phosphorico acido constantem, quæ, cum gelatinosâ materie mixta, eam, quæ omnibus nota est, duritiem ossibus impertitur. Enim verò ubi sanguis validissimè ideò nititur ut ossis arterias subeat, hæ magis ac magis extenduntur & latiores evadunt. Adaucto & ampliato earum diametro liber patefit aditus ossis succis qui, affirmante



Cl. Hallero; *omnium succorum humanorum crassissimi sunt, quique per non alia, præter perfectè rubra, vasa fluere valent.* Hi succi intrà fibrarum nondum satis firmarum interstitia sese deponendo has in omnem partem, sed semper ex intus ad extrà explicant. Quod quidem tantummodò fit eo ipso instanti quo in ossis rudimenta primùm devehuntur ea principia. Tunc immutatur color, & ossea sese prodit natura. Citius vel tardius ea accedit mutatio, at semper cum arteriarum ope rubræ sanguinis parti facilis conceditur transitus. Primum punctum in quo sanguinem admittunt arteriæ nunquam non primariò osseam obtinet naturam ac indolem: cætera successivè osseam acquirunt duritiem prout illorum sanguis percurrit arterias. At verò nunquàm adest ossificatio quin apparuerit sanguis per vasa ad ossis rudimentum tendentia. Illud profectò probat invictè quantum ad prioris ossei nuclei evolutionem conferant & inserviant arteriæ.

## V.

CL. DUHAMEL, & qui eo duce ossa ex periosteo generari contendunt suam sequentibus ratiociniis sententiam probare conantur. 1°. Quia scilicet si vituli sex menses nati & aborti avellatur tibiæ periosteum, illud membranaceum in extremitatibus, in parte verò mediâ osseum adesse referunt. Ecquid, inquit clarius & certius probare valet ossa ope lamellarum periostei, quæ sunt osseæ, crassitudine adaugeri, quàm si eadem lamella in medio ossea & circà extremitates periosteum reperiatur. 2°. Cum ea quæ in fracturis peraguntur, aiunt, accuratè exploramus, protensum videmus in ossium fractorum extremis periosteum, quod quidem ad ossa agglutinanda & consolidanda impendit natura. 3°. Concludunt à periosteo percolari succos osseos & ad ipsius vasa ea devehi fluida quæ in os transmutari debent. Illorum sententia tam vanis ac futilibus nititur rationum momentis, ut nunc adhuc periostei defensores reperire mirum videatur. 1°. Etenim si in suprà allato experimento osseæ auferantur lamellæ periosteo arcè coherentes, nihil aliud sunt præter extimas ossium fibras, quæ discerpuntur resistentiâ vasorum idèò periostei substantiam præterfluentium, ut ossis partem subire valeant interiori, sed nullo modo lamellæ periostei in osseas fibras conversæ dici queunt. 2°. Plurimis constat experimentis (1) periostei ortum calli efformatione excipi. Si animantis rubiâ tinctorum nutriti ossa frangantur, rubrum apparet callum; quod probat illud esse prorsus diversum à periosteo, quod juxtà ipsummet Cl. Duhamel, album semper servat colorem. 3°. Periostei & nutritia ossis vasa tantoperè inter se discrepant, ut hæc tingentes rubiæ tinctorum particulas admittant, dum alia easdem recusent. Vice versâ periostei vasa colorantes excipiunt partes quæ fibrarum ossearum nunquàm permeant vasa. Illud quidem sæpiùs observavimus cum D. Andravi Chirurgo Parisiensi, Anatomes peritissimo, in periosteo gallinæ Mozambicanæ, cujus periosteum, epidermis, mucosumque corpus subcæruleo semper imbuuntur colore, dum albescunt ossa. Hujusce coloris ope periostei limites, & quantum à plurimis aliis membranis differat, nunc certè novimus; idem ossa & periosteum distinctè & seorsum existere testatur color. Ut res illa nobis planè & luculenter innotesceret plurimorum gallinæ suprà dictæ foetuum ossa attentè exploravimus; hæc alba, periosteum verò coloratum semper invenimus. Multarum deinde ejusdem generis gallinarum femora fregimus, & ea quæ ossibus fractis contingunt accuratè perpendendo, 1°. annotavimus à naturâ constanter ossis extrema, juvante quâdam mollitudine, sanguinis in vasa favere aditui. 2°. In ossium vasis quæ ubi laxiora & liberiora evasere, multò majorem sanguinis recipi quantitatem. Eo ipso temporis puncto quoque facile ea percurrit sanguis, oriuntur ex vasorum fractorum, sed

(1) Doliis; tertio die nullum fracturæ supernatum in cuniculo, sed sanguis concretus effusus (nempe calli materies.) Schwenke pag. 46.



4  
 præsertim ex medullæ extremitatibus succi ossei qui simul ac sufficienti quantitate fuere effusi, ut conglutinentur ossis extrema, callum efformant quod ossi continuatur, quamvis perfectam nondum comparaverit duritiem. Tunc tantum mediante cæruleo colore, vidimus supra fractas extremitates, ut eas obtegat extendi periosteum. Certâ huiusce experimenti notitiâ freti, periosteum non magis ad ossium agglutinationem quàm ad eorum efformationem conferre compertum habemus. Hinc sequitur naturæ opus esse ossificationem, quod pender ab intussusceptione ossei succi in fibris antea efformatis, quibus ad extensionem & indurationem compelluntur. Experimentum à D. Troja institutum, in victis argumentis nostram confirmare videtur opinionem. Si, perforato tibie corpore, sensim omnia ad medullam tendentia deleantur vasa: tunc in vasorum ossis circulatione tanta fit mutatio, ut ossei quos devehunt succi in illo exterius deponantur, & profectò minùs quinquaginta diebus tibie corpus osse altero investiat. Hoc experimento evidenter probatur succos osseos ope vasorum ab interiori ossis parte ad exteriorem devectos, extimas effingere lamellas & periosteum iis tantummodò suppeditare integumentum. Hinc concludere fas est:

*Ergò producendæ ossificationi periosteum impar.*

## DOMINI DOCTORES DISPUTATURI.

M. Ludovicus - Cyprianus DE MONTAIGU. M. Paulus - Gabriel LE PREUX. M. Claudius Carolus DE JEAN.

M. Henricus RAIMOND, Regis Exercituum in Insulâ Corsicæ Medicus. M. Ludov. Claud. GUILBERT, è Societate Medicâ Edimburgensi, antiquus Regis Exercituum Medicus ordinarius. M. Francisc. Felicitas COCHU.

*M. philippus pedit Raimond.*

M. Antonius - Joannes - Baptista MACOURIN GUENET. M. Edmund. Claud. BOUVRO, utriusque Pharmacie Professor. M. Hyacinth. Theod. BARON, antiquus Facultatis Decanus, necnon Castorum Regis & in Italiâ Proto-Medicus.

Proponebat Parisiis JOANNES-JOSEPHUS GILLE, Leodienfis, Saluberrimæ Facultatis Medicinæ Parisiensis Baccalaureus, Theseos Author, A. R. S. H. 1783. AB OCTAVA AD MERIDIEM.

BLU Santé  
 Médecine  
 Paris

Typis QUILLAV, Universitatis & Facultatis Medicinæ Typographi. 1783.